



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1858

VI. Die Markgrafen Johann und Otto beschenken die Stadt Stendal mit den
Fleischbänken. dem Markte &c., am 14. Februar 1227.

Nutzungsbedingungen

[urn:nbn:de:hbz:466:1-54890](https://nbn-resolving.org/urn:nbn:de:hbz:466:1-54890)

de saltwedele, omni dubio postposito ipsis in auxilium idem privilegium voluntarie transmittimus. Omne igitur dubium, quod forte emergere possit in posterum, presenti scripto et sigilli nostri testimonio amputamus.

Nach dem Originale im Salzwedelschen Archive Fach I, No. 49.

Anm. Die Schreibart und Form der Urkunde läßt dieselbe in den Anfang des 13. Jahrhunderts setzen.

V. Markgraf Albrecht II. befreiet die Stadt Stendal von dem Gerichte der Burggrafschaft, im Jahre 1215.

In nomine sancte et individue trinitatis. Albertus secundus, dei gracia Marchio Brandenburgensis. Quoniam quaecunque gerantur superueniente dierum longitudine ab humana labi solent memoria, perutile est, ut ea, de quorum obliuione oriri potest dampnum vel confusio, literis eternentur. Proinde notum esse uolumus omnibus tam presentis quam futuri temporis fidelibus, quod ad petitionem dilectorum nostrorum ciuium Stendalensium et consulum uirorum prudentum, grauamen, quod idem Stendalenses pro importunitate Boregrauii, quem habere consueuerunt, penitus relaxauimus, statuentes, ut in ciuitate deinceps placito et iuri non teneantur stare Boregrauii. Ut autem hoc nostrum statutum a nostris heredibus siue successoribus ratum teneatur et inconuulsum, presentem paginam, que huius facti certum maneat indicium, exinde conscribi fecimus et sigilli nostri appensione communiri, Testes qui presentes aderant subter notari precipientes, quorum nomina hec sunt: Fridericus de Haffele, Albertus de niendorp, Gozawinus de Boizceneborc, Theodericus et Henricus, fratres, de osterborc, Gerardus de Beliz, Henricus de Stendale, Hermannus de Stafueld et alii quam plurimi. Acta sunt hec in campo pro Stafueld, anno dominice incarnationis M^o. CC^o. XV^o. indictione tercia.

Nach dem Originale im Stendalschen Archiv No. 2.

VI. Die Markgrafen Johann und Otto beschenken die Stadt Stendal mit den Fleischbänken, dem Markte etc., am 14. Februar 1227.

In nomine sancte et individue Trinitatis. Johannes primus, Otto tercius, Marchiones Brandenburgenses. Magnatum nobilitas se liberalem exhibere consuevit his, qui debite seruitutis officio eius honorem satagunt promouere. Hac nimirum consideratione circa dilectos burgenses nostros de Stendale habita, ipsis tanquam bene meritis, pro eorundem affectu beneuolo, nobis quam sepius exhibito, nicem rependere cupientes, omnem usum macellorum nostrorum carnicum, nec non XIII cameras sub domo pellificum, et si que alie sunt aliquibus privatim personis iure feudali obligate, dummodo legitima, sicut expedit, redimantur emptione, conferimus eisdem. Insuper

et totum forum, quod hactenus commune fuit, ad utilitatem communitatis liberaliter contulimus perpetuo possidendum et in usus sibi utiles conuertendum. Ut autem hec nostra donacio in suo vigore firma maneat et inconuulsa, presentem paginam inde conferibi et sigilli nostri appensione iussimus insigniri. Huius rei testes sunt Henricus pincerna, Albertus de Spandowe, Albertus de Niendorp, Henricus de Woldenhagen, Euerhardus de Cremcowe, Cono de Piwelingen, Albertus salie, Halt de Angern, Volcmarus et Rodolfus, fratres, de Rolstede et alii quam plures. Acta sunt hec apud stendale, Anno Dominice incarnationis M^o. CC^o. XXVII, XVI Kalend. Marcii.

Nach dem Originale des Salzbr. Rathsarchives No. 3.

VII. Document über die Dedication des Altars der Pfarrkirche zu Hassel bei Stendal, vom Jahre 1230.

Anno Incarnacionis Dominice M. CC. XXX. dedicata est hec ecclesia a Domino Wilhelmo, Havelbergenfi Episcopo, consenciente venerabili Domino Friderico, Halberstadienfi Episcopo, continentur reliquie Johannis baptiste, Nycolai episcopi et conf., Marie Magd., Godehardi episcopi conf., Stephani prothomart. et aliorum Sanctorum.

Nach Beckmann's Beschreib. a. a. D. Sp. 264, aus einem im Altare der alten Kirche ehemals befindlich gewesenen Pergamentstreifen.

VIII. Die Markgrafen Johann und Otto geben den Gewandschneidern zu Stendal Innungs-Artikel, am 15. Mai 1231.

In nomine sancte et individue Trinitatis. Johannes et Otto, dei gratia Marchiones Brandenburgenses, omnibus hanc literam inspecturis salutem et omne bonum. Acta presentis temporis deperire solent in futurum, nisi debito literarum subsidio confirmentur. Ea propter notum facimus tam presentibus quam futuris, quod nos Johannes et Otto, Marchiones Brandenburgenses, nostre ciuitati stendale secundum honestiora prospicere cupientes, Jura fratrum gilde et illorum, qui incifores panni actenus nuncupatur, actenus in nostra ciuitate stendal obseruata, in melius immutauimus et immutamus, ita videlicet, quod ipsi eadem super hoc iura obseruent que fratres, gilde et incifores panni in Magdeborch actenus obseruare consueuerunt. Sunt autem hec iura ipforum: Nemo presumat incidere pannum, nisi consorcium habeat nostre fraternitatis, qui autem hoc infregerit, gilde per tria talenta emendabit. Ter in anno debet esse colloquium fratrum, et quicumque ad hoc non venerit, secundum iusticiam emendabit. Quicumque nostram fraternitatem intrare voluerit, cujus pater confrater noster fuerit et pannos inciderit, cum amicis suis